

憲示第二十一號

輔政使司史

曉諭事現奉

督憲諭將潔淨局經歷示諭開示於下等因奉此合亟出示曉諭為此特示

一千八百八十九年

正月

十九日示

署潔淨事務局經歷高

為

諭知事照得一千八百八十七年所定之第二十四條則例第七十四款之章程所言凡有建造屋宇須先俟該局查驗批明該屋係遵依防護本港居民疾病則例各款章程建成並合人居住始准將該屋全間或各處出租等因為此特諭爾業主或代理人等務須細閱此款為要自防護本港居民疾病則例批准舉行之後凡所建屋宇一經工竣須繕稟投遞本經歷以憑查驗特示

一千八百八十九年

正月

十五日示

憲示第二十二號

輔政使司史

曉諭事現奉

督憲札開招人投接在九龍建築道路所有投票均在本署收截限期收至西歷本年正月二十二日即禮拜二正午止如欲領投票格式可赴本署求取倘另欲觀看章程及知詳細者前赴工務司署請示可也各票價列低昂任由

國家棄取或總棄不取亦可等因奉此合亟出示曉諭為此特示

一千八百八十九年

正月

十九日示

憲示第二十三號

輔政使司史

曉諭事照得現奉

督憲諭將

大清巡工司示諭抄示以便週知等因奉此合亟出示曉諭為此特示

一千八百八十九年

正月

十九日示

大清署理各口巡工司布

為

通行曉諭事照得本署巡工司前奉
總稅務司赫 憲劄行以沿海沿江建造燈塔浮樁等事或係創設或宜改移或有增添或須裁撤營造既有變更務即隨時彰明出示通曉各處俾得行江海船隻周知徧諭等因茲本署巡工司查淡水關稅務司所屬界內淡水口創設警船燈兩個合將其情形度勢開列於左

計開

- 一 臺灣省臺北府淡水口在高低兩處現經新設警船燈兩個為指明進口船行水深正路
- 一 船於進口時視該處高燈其杆自基至頂高三丈設於該處北岸山上自滬尾舊砲台視該燈杆為南八十六度東相距約一百丈杆上懸挂六等透鏡白光常明燈一個該燈自南五十二度東起經正東至北六十八度三十分東止俱見燈光燈火距水面高十二丈晴時應照至三十里該燈及燈杆俱飾白色
- 一 船進口時視該處低燈塔自水面至塔頂高三丈八尺塔係鐵所作者仍設於鐘浮樁第十六總册所載淡水關向設第二十五號白色四木尖形警船樁即自塔視滬尾舊砲台為南八十六度東相距約一里半

之處燈火距水面二丈八尺塔上置有六等透鏡綠白紅三色常明燈
 一個自南五十九度東起至南八十四度東止俱見綠光自南八十四
 度東起至北八十六度東止俱見白光自北八十六度東起至北六十
 一度東止俱見紅光晴時白光應照約十八里該燈及燈塔俱飾白色
 一所開度數係按羅經方向自海面望見該燈計算
 一該口之攔江沙每於水勢漲大之時該水道多有改變按平日進口船
 隻須視兩燈上下相對成直線是為水深正路
 為此合即遵行出示通曉各處船隻其務宜留心詳記以免疎虞勿忘
 勿忽切切特示

光緒十四年 十二月 初四日 第二百二十六號示

大清署理各口巡工司布

為

通行曉諭事照得本署巡工司前奉
 總稅務司赫 憲劄行以沿海沿江建造燈塔浮樁等事或係創設或
 宜改移或有增添或須裁撤營造既有變更務即隨時彰明出示通曉
 各處俾得行江海船隻周知備喻等因茲本署巡工司查九江關稅務
 司所屬界內磨盤洲地方移設標杆合將其情形度勢開列於左

計開

- 一長江九江府彭澤縣磨盤洲地方江北岸向設之黑色標杆一架以江
 岸坍塌現經移設向北八十度東相距原處約二十丈
- 為此合即遵行出示通曉各處船隻其務宜留心詳記以免疎虞勿忘
 勿忽切切特示

光緒十四年 十二月 初四日 第二百二十七號示

憲示 第二十四號 為

輔政使司史 曉諭事茲奉

督憲札諭將華民政務司按照防染惡疾則例所出諭示開列於下等
 因奉此合亟出示曉諭為此特示

一千八百八十九年 正月 十九日示

安撫華民政務司駱 為

曉諭事照得現因第五約桂華里第六號門牌二層樓確犯私開娼寮
 之例本司於正月十四日案照一千八百六十七年防染惡疾則例第
 二十三款判斷並將此案曉諭俾眾週知特示
 一千八百八十九年 正月 十四日示

近有附往外埠吉信數封無人到取現由外埠附回香港
 郵政總局如有此人可即到本局領取茲將原名號列左

- 付海口信一封交鮑瞻周收入 付新山信一封交朱亞德收入
- 付新山信一封交李保收入 付台北信一封交陳棟臣收入
- 付海防信一封交郭子森收入 付廚洲信一封交彭氏江娘收入
- 付新開港信一封交協勝發收入 付白臘藤信一封交張訪收入
- 付巴刺仔信一封交公順收入 付省城信一封交陳壽收入

現有由外埠附到要信數封貯存
 郵政總局如有此人可即到本局領取茲將原名號列左

- 一封交劉有收入 一封交廣興源收入 一封交李阿福收入
- 一封交伍亞常收入 一封交陳孔壽收入 一封交廣勝隆收入
- 一封交邱觀旺收入 一封交黃厚培收入 一封交梁廣鑑收入
- 一封交頤記收入 一封交陳龍謙收入 一封交梁亞堆收入
- 一封交麥百枝收入 一封交姚海山收入 一封交元芳收入
- 一封交李和記收入 一封交葉京球收入 一封交余梅村收入
- 保家信一封交黃亞秀收入 保家信一封交古北水收入
- 保家信一封交杜杞收入 保家信一封交蘇瑞文收入
- 保家信一封交呂玉軒收入 保家信一封交陳兩石母親收入
- 保家信一封交陳南收入 保家信一封交朱采臣收入
- 保家信一封交黃侶梅收入